



*Iudas se repentant d'auoir trahy son Maistre, reporta l'argent aux Iuifs :
& par desespoir se pendit.*

VAND Iudas eut veu que Iesus qu'il auoit trahy, estoit ainsi cruellement traité par les Sacrificateurs & Prestres des Iuifs, & qu'il estoit condamné, en se repentant reporta les trente pieces d'argent aux Sacrificateurs & Prestres, disant : P'ay peché en liurant le sang innocent. Mais ils luy respondirent, Que nous en chaut-il? tu y aduiferas. Et apres auoir ietté l'argent dedans le Temple, il partit, & s'en allant il se pendit, & s'estrangla soy-mesme. Et les principaux Sacrificateurs ayans pris les pieces d'argent dedans le Temple, dirent ; Il n'est pas licite de les mettre au thresor ; car c'est le prix de sang. Et apres qu'ils eurent tenu conseil, ils en achepterent le champ d'un Potier pour la sepulture des estrangers ; à cette cause fut appellé le champ du Sang, iusques à ce iourd'huy. Lors fut accompli ce qui a esté dit par le Prophete Ieremie, disant ; Ils ont pris trente pieces d'argent, le prix de celuy qui estoit apprécié, lequel ils ont achepté à prix fait des enfans d'Israël, l'ont donné pour le champ du Potier, ainsi que le Seigneur l'auoit ordonné.